



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 11. Vtrum hæc sit vera, Christus, vt homo, est Deus.

---

[urn:nbn:de:hbz:466:1-72898](#)

## 100 Qu. 16. De cōsequentib. unionē secund. esse & fieri. A. 8. 9. 10. 11.

Si tamen hæc propositio non ita propriè accipiatur, vt sensus sit: *Factum est, vt homo sit Deus,* potest admitti. Et hoc sensu, sçpè sic loquuntur Patres; vt Damascenus lib. 3. c. 11. & Augustinus lib. 1. de Trinitate cap. 13. & Nazian. epi. 1. ad Cledonium.

Posset etiā dici, *Hominem* interdum accipi formaliter, non pro supposito, sed pro individuo humano præscidente ab omni actuali subsistentiâ; & ita accipi à Patribus: magis tamen propriè accipi materialiter; scilicet pro subsistente in natura humana.

### ARTICVLVS VIII.

#### *Utrum hac sit vera: Christus est Creatura?*

16 R Espondet D. Thomas, Non esse ita loquendum absque aliquâ determinatione; ne occasio detur errorum.

SS. Patres  
vocant  
Christum  
creaturam.

Notandum tamē est, multis Patres vti hac locutione. D. Leo serm. 3. in Pentecost. Sophronius in epistola quæ habetur in VI. Synodo act. 11. Hieron. in c. 2. ad Ephes. explicás illud: *Ipsius enim factura sumus, creati in operibus bonis: vbi ait, hanc locutionem minimè esse reformatam, Christus est Creatura, idque probat duobus Scripturæ locis.* Omitto alios Patres. Vnde Caietanus putat hanc propositionem *Christus est Creatura*, in rigore & proprietate esse veram: sicut & hanc, *Christus est passus & mortuus.*

Non potest  
tamen dici  
Creatura  
ficiat.

Sed vtendum est distinctione, Si nomen Creatura accipiat omnino strictè, vt solet à Scholasticis; sic absolute est falsa, Vnde negatur à Magistro in 3. dist. 11. & ibid. à D. Thoma, Durando, Richardo, Paludano, Capreolo. Et ratio est, Quia Creatura communiter dicitur quod ex nihilo productum est: atqui Christus non est productus ex nihilo; cùm eius persona non sit ex nihilo: ergo non est propriè creatura: productio enim Christi, non est productio ex nihilo; sed cōpositio ex persona increata & natura creata. Et confirmatur ex contrario; Quia Christus non potest annihi-  
lari: ergo nec creari.

sed latè.

Si vero nomen creature accipiat paulò generalius, vt sçpè solet in Scripturis & Patribus; nempe pro omni eo, quod incipit esse, siue absolute, siue secundūm aliquam naturam creatum: sic Christus absolute potest dici creatura. Nam sicut ab humanitate, dicitur homo; sic à natura creata, dicitur creature. Et ita intelligendi sunt Patres. Neque solùm Christus, qui includit naturā humānā; sed etiā Filius Dei dici potest factus creature.

### ARTICVLVS IX.

#### *Utrum hac sit vera: Iste homo incepit esse?*

17 R Espondet D. Thomas negatiuè. Quia iste homo seu Christus designat suppositū propriè, quod est ēternū: nam subiecta accipiuntur materialiter. Atqui *Verbum incepit*, includit anteā non extitisse.

Scotus  
affirmat.

Notandum est, Scotum in 3. d. 11. q. 3. docere hanc propositionem *Christus incepit esse, Christus est factus*, scilicet veram in proprietate sermonis. Primo, Quia fieri hominem, est fieri simpliciter; nam est

fieri substantia liter. Deinde, Quia illud attributū cedit super formale subiecti, quod est humanitas. Tertio, Quia hæc, *Christus est*, non fuit vera ab ēterno: ergo Christus incepit esse.

Sed contraria est communior Theologorū in Refellit. 3. d. 11. vel 12. & D. Thomæ hic. Quāvis Durandus velit illam esse distinguendam. Ratio est, Quia illud dicitur simpliciter fieri, vel incipere esse, quod ita accipit esse, vt ante hoc momentum absolute non fuerit; nā, fieri vel incipere, includit hanc negationē, hoc anteā absolute non erat. Itaque cùm Christus anteā absolute fuerit; est enim *Christus ēternus*, ad Hebr. vlt. & Apoc. 1. non recte dicitur quod incipiat esse, vel quod fiat, aut sit factus. Confirmatur, Quia alioquin hæc esset vera: *Filius Dei est factus*, vel incepit esse: quidquid enim dicitur de Christo, vel hoc homine, dicitur etiam de Filio Dei.

Ad Primum Argumentū Scoti, Respondeatur, Diluviat. Etsi esse hominem, sit esse simpliciter, si per se argumentū cōsideretur; tamē respectu Christi, est esse tantū *Scoti.* secundūm quid: nam ipse anteā simpliciter erat. Ad Secundūm, Potius in talibus propositionibus subiectū supponit pro materiali, ita vt formale prædicati cadat in materiale subiecti: vt pater in hac i. *Christus est ēternus.* Posset tamen illa locutio admitti si Christus formaliter accipiatur: verūm hæc acceptio est impropria. Ad Tertium, Hęc est vera: *Christus fuit ab ēterno*, non tamen ideo verū ab ēterno debet esse, *Christus est.* Sicut patet in similī: *Quidam homo fuit ab ēterno*, non tamen ideo verū est primo die creationis mundi, *quidam homo est.* Satis enim est, vt hoc suppositum quod est Christus, sit ab ēterno. Ratio est, Quia cùm dico, *Christus est*; Christus accipitur formaliter pro cōposito: nam verbum, est, secundūm adiacens, facit subiectū accipi formaliter. Cū autem additur, ab ēterno, accipitur materialiter pro supposito: quasi dicatur, is qui est Christus, est ab ēterno.

### ARTICVLVS X.

#### *Utrum hac sit vera: Christus ut homo, est Creatura?*

R Espondetur, Propriè esse veram. Nam reduc- 18 platio propriè reduplicat formam potius, Reduplica- quām suppositum. Vnde lensus est: *Christus se- tio quidem duplicit.* cundūm naturā humanam est creature; nō autem, Christus ut suppositum naturā humanā, est crea- tura: hoc enim falso est. Reduplicatio enim de- signat & specificat id, secundūm quod, & in quo attributum conuenit subiecto.

### ARTICVLVS XI.

#### *Utrum hac sit vera: Christus ut homo est Deus?*

R Espondet D. Thomas cū distinctione. Ad- 19 uerte tamen, hanc propositionem: *Christus secundūm quod homo, est Deus*; esse propriè falsam. Nam homo, in reduplicatione propriè accipitur pro natura, non pro supposito; & significat Christum ratione naturā humanā esse Deum: quod omnino falsum est.

Pro huiusmodi locutionibus seu propositio- Regula- nibus Notanda est hæc Regula: *Ea quia sunt pro- pria Dei, non possunt tribui homini, vel Christo cum reduplica-*

**Qu. 17. De pertinentibus ad Vnitatem Christi, &c. Art. 1.2. 101**

reduplicatio humanitatis. Similiter ea que sunt propria hominis, non possunt dici de Christo, vel Deo, vel de hoc homine, cum reduplicatio diuinitatis. Vnde haec propositiones propriæ sunt falsæ: Christus ut homo, est Deus; est Omnipotens, est Filius Dei. Item: Christus ut Deus, est homo; est mortuus, est crucifixus. Ratio est; Quia talis reduplicatio, ut homo, ut Deus, vel reddit causam, vel designat naturam, per quam, aut in qua conueniat Christo tale attributum: vnde reddit sensum propriæ falsum. In sensu tamen improprio possunt admitti: nempe si reduplicatio solum designet suppositum; vt sensus sit; Christus, qui est homo, est Deus; est Omnipotens. Sed adverte, tunc reduplicacionem esse superflua, & locutionem impropriam & exoticam.

Quod autem D. Thomas in Respons. ad 3. ait: hanc propositionem: Christus ut hic homo, est Deus, magis esse veram, quam illam; Christus ut homo, est Deus; et quod illud hic, designat suppositum; verum quidem est; tamen absolute est etiam impropria locutio; vt docet Durandus, & recte dist. 1. q. 1. Nam illud hic, significat potius individuationem naturæ, quam suppositum. Vnde sensus

fus est propriæ: Christus ab hac humanitate habet quod sit Deus. Quare non est ita loquendum.

**ARTICVLVS XII.**

*Vtrum hac sit vera: Christus secundum quod homo, est hypostasis?*

**R**espondet D. Thomas cum distinctione. Notandum breuiter, hanc: Christus ut homo, est hypostasis vel persona; ambiguam esse. Si enim, ut, accipiatur reduplicatiæ, est falsa: significat enim Christum habere personalitatem à natura humana. Si autem specificatiæ; id est, si solum designet naturam, in qua habet nouam rationem personæ, est vera. Nam sensus est; Christum ut hominem, esse quid subsistens. Magis tamen propria est hæc; Christus ut homo, est persona humana: nam etiæ humana natura non sit ratio cur Christus ut homo est persona absolutè; est tamen ratio cur sit talis persona; nempe humana.

20

**QVÆSTIO XVII.**

**De pertinentibus ad Vnitatem Christi,  
quantum ad esse.**

*In Duos Articulos divisæ.*

**ARTICVLVS I.**

*Vtrum Christus sit Vnum,  
an Duo?*

**R**espondetur; Christus est Vnus & Vnum. Et quidem quod Christus sit Vnus, est fide tenendum. Patet ex Symbolo Niceno & Athanasij; & ex dictis supra quest. 2. art. 2. Ratio est; Quia, Vnus, quando solitariè ponitur, indicat unitatem personæ; vt patet ex communī modo loquendi. Hinc Pater, Filius, & Spiritus sanctus, etiæ sint Vnum, non tamen Vnus: quia non sunt vna Persona.

Quod autem Christus etiam sit Vnum neutrè, non duo; Probatur, Quia est vnum ens sine imperfectione compositum. Item, est vnum suppositum in duabus naturis subsistens: atque Vnum solitariè sumptum, nihil aliud significat quam vnum ens, & vnum suppositum. Secundò, Quia Christus non est plura: ergo absolute est vnum. Antecedens patet; Quia nec est plures nature, nec plura supposita. Non plures naturæ; nam etiæ diuinitas dicatur de illo; non tamen humanitas. Et ratio est; Quia ut aliquid dicatur simpliciter vnum, satis est ut sit vnum suppositum. Patet ex supra dictis. Dices; Christus est aliud per diuinitatem, aliud per humanitatem: ergo est duo. Antecedens patet ex multis Patribus, qui ita loquuntur. Vide D. Augustinum in Enchiridio cap. 36. & lib. contra Felicianum cap. 11. Respondeo; D. Thomas hic negat Antecedens, Quia,

inquit; Aliud significat diversitatem naturæ & suppositi. Quod verum est, si nomen Aliud sumatur strictè. At si largius sumatur, potest admitti, nec omnino impropriæ. Et sic intellige quod docuit D. Thomas supra quest. 2. art. 3. ad 1. cùm ait; Quod Christus dicatur aliud & aliud, non importat diversitatem suppositi, sed diversitatem naturarum. Et ita sèpè loquuntur Patres. Et simili modo concedi posset Christum esse duo: nam sensus est, subsistere in duabus naturis: magis tamen propriæ haec locutiones negantur. Quod autem D. Thomas ait, diversitatem accidentem facere Alterum, sumptu est ex Porphyrio & Aristotele malè verso; nam pro dñō, id est, diversum seu varium versum est Alterum. Absolutè enim est falsum: non enim lac est alterum per dulcedinem, alterum per asperitatem.

**ARTICVLVS II.**

*Vtrum in Christo sit tantum  
vnum esse?*

**R**espondet D. Thomas, in Christo est tantum vnum esse; nempe completum. Ratio est; quia natura humana non vnitur ei accidentiæ, sed substantialiter & hypostaticè; ac proinde non facit in ipso diversum esse personaliter, seu completum: sed solum facit ut adueniat noua habitudo esse personaliter præexistentis ad naturam humanam. Cetera vide apud D. Thomam.

I iij

D VI